

宗祠全圖

祖墓各圖

大理史城董氏族譜

卷六

民國十一年歲次壬戌春二月

大理史城董氏族譜

裔孫 沛川 會農 氏續修印本
萬 澄 農

大理史城董氏族譜卷六

祠墓

功德記

禮將營宮室宗廟為先大夫三廟士一廟由來尚矣後世士大夫立廟曰家廟曰家祠又曰宗祠祠者祭先之名兼屋宇之名詩傳謂夏祀曰祠史稱祠梁父祠汾陽是也庶人祭於其寢不得立廟而士大夫有廟者其子姓昭穆俎主焉禮固緣情而起也祠有宗祠墓亦有族墓大司徒以本俗六安萬民二曰族墳墓又墓大夫令國民族葬無他凡以之防渙云爾且夫祖宗靈爽憑於一祠而族居則散矣子孫遠近聯為一族而糧里則分矣至墓祭非禮先儒詳辨之然周禮冢

人注祭墓為尸或禱祈焉禱祈之事不可知幽幽泉路望杯
土而凄然鬱鬱松楸懼樵斧之將及心關朝夕祭設春秋於
禮從宜可不慎歟有田則祭今日之得祭昔日之受田也惟
義置田前人之田穀後人之祭需也茲錄宗祠全圖祖墓各
圖而以族居糧里祭田義田附後庶散者有紀分者無諉祭
者不闕貧者有濟乎此外或建一刹或修一庵立規模置常
柱啟後人藏修之地留族人嘉會之望遺澤在餘蔭永焉白
太傅結香火社比物此志也故又以功德院附也譜祠墓

謹案

義田二字貧者有濟四字係民
國庚申增入以前此無義田也

大理史城董氏族譜卷六

祠墓譜 功德院附

目錄


宗祠全圖 已失補圖并說

祖墓各圖 已失補名人各墓增墳山
宏圭寺班山寺及寶藏山
祭田義田附

三元宮并附

已上祖墓圖舊附族居糧里今缺

宗祠圖 并記



大里氏宗祠

卷一 宗祠

三

祠在史市坪尾族正寢之西北內外二層中堂三間左右兩角房照壁坊門民國甲寅閏族移建舊祠在市坪尾原為明詔起忠勲鴻盤公之官廳族人改建為祠清光緒癸未增建南北兩楹歷久將傾地尤卑濕族人以遷地為良也乃度地相宜於村之西北隅以民國三年甲寅鳩工越兩年告成兩廊仍缺焉未備歲己未萬川昆季慷慨出資增而建焉亦仁人孝子之用心也兩廊左作燕室右作家塾

祖墓補名人各墓無考者缺

明進士巴縣知縣鄉賢董壁墓在下宏圭山

節婦董尹氏墓在聖原寺龍湫左岡

翰林院庶吉士給諫楊士雲墓在上宏圭山係董珣之子

文學隱逸董難墓在城南山下聖應

謹案蕩山即今感通山下俗名黑塔地方在上末村上

貢生鄉賢董卿墓在下宏圭山北支

清欽賜光祿寺舉人董越墓在鶴雲峰

進士司馬忠烈名宦董正官墓寄葬台灣城西猪拱嶺

鑒儀衛經歷忠烈董嘉蘭墓在賓川畫龍山即洱東

花翎游擊銜忠烈

董良知墓

畫在賓川
龍山

墳山 新增

山在五台峯北箐頭十五世祖總旗諱光公創今本支子孫送入族中為閤族墳地公也亦補缺也

謹案山頂開帳个字中抽第一節南北寬一丈第二節南北寬十一丈第三節南北寬十四丈五尺第四節南北寬十五丈五尺尾一節南北寬十二丈五尺由西至東共九十九丈內有松樹千餘株

祭田

吾族祭田向為宏圭寺常住迭經兵燹滄桑變更今所存者
惟崇聖菴田亦僅九畝有奇碩果留遺尤望吾族人善為保
全擴而充之也

謹案田坐落慶洞庄小充溝甸五坵上則八分一厘中則一
畝四分六厘下召甸田壹坵下則六分六厘後召甸田叁坵
下則八分四厘北沙甸田壹坵下則壹畝五分四厘下山登
甸田柒坵下則肆畝陸分六厘總共田拾柒坵合玖畝玖分
柒厘年收捌碗升租米貳石玖斗陸升
租麥柒斗陸升永作春秋祭祀之需

義田

田在赤土江民國庚申孝廉方正吉甫創置顛末載藝文類

碑記

謹案中則五畝九分七厘計二坵坐落上紅土甸年收八碗
井租穀三石六斗專作周濟族中貧乏不得挪為他項之用

宏圭寺

在上宏圭山相傳古有三十六菴考譜慶祖創東菴即志應菴寶祖創左菴佑祖創聖壽菴養中祖創崇聖菴既有東左等菴此外想更有多菴也今存崇聖菴亦碩果僅留耳

班山寺及寶藏山

在聖應峯感通山下蕩山中明經歷寶祖所建歷年既久圯毀無存政郡守黃元治蕩山志畧班山寺明永樂間有董經歷寶者與蘇氏後裔合力增修升菴太史題曰海光寺前為寫韻樓又松風靜室乃妙高山僧有志靜修郡之董氏割班山一區助其營建又寶藏山入蕩山第一菴也明景泰元年